

आङ्गिय प्रणालि

नेपाल्टि मोककोन् हचुल्वासे घोकिन्सि हचुल्ठिम् ओधा वे
डाङ् - २



संवैधानिक संवाद केन्द्र
CENTRE FOR CONSTITUTIONAL DIALOGUE

संवैधानिक संवाद केन्द्र



तेवा

संवैधानिक संवाद केन्द्र

घिक्छा संस्करण : २०६५ साल

प्रतिलिपि याड्ताम © संवैधानिक संवाद केन्द्रता मोक्कोन सुरक्षित मुला । सामग्रीला स्रोतला रूपरी संवैधानिक संवाद केन्द्रथोरी साभार पाइसीमान् छोड्आतावा गेताड्ला लागि चु छ्योयाईला भो जुगु धोसी:तेवा थेन/वा अनुवाद लावारी खाम्सेला मुला । थे धोसी:तेवा थेन/वा अनुवादला घि प्रति संवैधानिक संवाद केन्द्रता उपलब्ध लातोसेता मुला ।

भ्योवा थेन छिवा

प्रिन्ट प्वाइन्ट पब्लिसिड, त्रिपुरेश्वर, याम्बु ।



ल्हाना जानकारी वा चु छ्योईला लागि चुधिला ठेगानारी सम्पर्क थानस्युगो

संवैधानिक संवाद केन्द्र

सोम्छा तल्ला, अल्फा बेटा कम्प्लेक्स, छार वानेश्वर, याम्बु

टेलिफोन नं. ९७७-१-४७८५४६६ / ४७८५४८६ / ४७८५९९८

ई-मेल : info@ccd.org.np

वेवसाइट : www.ccd.org.np

साङ्गिय प्रनालि

डाङ् - २



साङ्गिय प्रनालि	१
परिचय	१
सहकार्यला महत्व	२
विवाद समाधान	३
साङ्गिय राज्यला राजनैतिक अर्थतन्त्र	४
साङ्गिय प्रनालिला स्थापना	४
नेपालरि साङ्गियता	५
आरैजान् आलाबा संवैधानिक विकल्पजुगु	६

साङ्गिय प्रनालि

नेपाल्ला अन्तरिम् हचुल्ठिम्-२०६३ ला धारा १५९ (१) से नेपाल् गोरूक साङ्गिय लोकतान्त्रिक गनतन्त्रात्मक हचुल्सा हिन्ना विसि घोसना लाबा मुला । होराइ तासाइ थेरि नेपाल्ला साङ्गियताला प्रकृति, संरचना थेन् चु न्हाइरि व्यवस्था लासेला निकायजुगुला ताम्रि विस्तृत रूपसे ब्रिवागे लाबा आरे । हचुल्ठिमसभासे चु मोक्कोन् तामजुगुला निनय लासि छार् हचुल्ठिम् रि समावेस् लासेला मुला ।

साङ्गियता दिरिब्रिवा राइवा उद्देस्यजुगु मुवा गोरूगि राजनैतिक प्रनालि हिन्ना :

- » हचुल्सा/ ग्याल्सादा समावेसि स्होवारि,
- » सरकारदा हचुल्बाला डाम्रि दोना लावारि ।

जाम्बुलिङ्गला बोगाल् गिसे डा विमा ल्हाना हचुल्सारि ल्होलोल्होलो साङ्गिय प्रनालि मुला । ल्होलोल्होलो महाद्विपला ल्होलोल्होलो जाजा थेन् ग्रेन् हचुल्सारि चु प्रनालि तेन्सि बाबा मुला ।^१

साङ्गियतासे जेक्खेन् हचुल्सा समावेसि ताबा वा सरकार हचुल्बाला डाम्रि मुवा छोर्ना लावारि आखाम् बिवा महत्वपुर्न ताम्जा हचाइसे गोनोन् तोला । हचुल्साला संरचना हाराइदामान् तासाइनोन् चु लच्छेकादे याइवाला लागिर् मिह्लुइला याइताम् थेन् सुसासन्ला ताम्दा डेन् लातोला । ह्वाइलान् किसिम्ला साङ्गियता स्होवाला लागिर् नेपाल्दा ह्यो लाबा छलफलकादेदा सुसुचित लाबा उद्देस्य थोबा चु परिचयात्मक छ्योइला सेम्रि थान्तोबा विकल्पजुगु फिरि नोन् प्रकास लाबा मुला ।

पटिचय

नेपाल्से साङ्गियता किन्वा निनय लासिजिन्वा मुला । होराइ ताबासे लामा हचुल्ठिम्सभासे नेपाल्ला लागिर् खाराइवा साङ्गियता ज्याबा ताला बिवा ताम् छलफल लासि निनय लातोला ।

१ अर्जेन्टिना, अस्ट्रेलिया, स्ट्रिया, बेल्जियम, बोस्निया थेन् हर्जगोभिना, ब्राजिल, क्यानाडा, कमोरोस, इथियोपिया, जर्मनि, भारत, मलेसिया, मेक्सिको, माइक्रोनेसिया, नाइजेरिया, पाकिस्तान, रूस, सेण्ट किट्स थेन् नेभिस, स्विट्जरल्याण्ड, युनाइटेड अरब इमिरेट्स, संयुक्त राज्य अमेरिका थेन भेनेजुयला । तिलाइ हचुल्साजुगु (दच्छन अफ्रिका थेन् सुडान्) रि साङ्गिय प्रनालि मुसाइनोन् खाचिवाइ करान्से थेनिकादे चु छिककादे प्रयोग विसाम् आलाबामुला । स्यान तिलाइ हचुल्कादे (इराक थेन् सुडान) साङ्गिय प्रनालिर् रुपान्तरित् ताबा प्रक्रियारि मुला ।

चु सन्दर्भरि डाच्छा याडुसि जिन्वा ग्यान् थेन् स्यान् साङ्गिय प्रनालिला अनुभवजुगुग्याम्से तोबा ग्याम् ओन्वारि खाम्ला ।^२

साङ्गिय हचुल्सारि सार्वभौमसत्ता थेन् विधायिकि सक्ति संवैधानिक रुप्रि केन्द्रिय/साङ्गिय प्रसासकिय निकाय् थेन् हचुल्ला निश्चित थुम् किन्वा साङ्गिय राजनैतिक् एकाइजुगुला गुडुरि बो लावा मुला । थेनिकादेला अस्तित्व साङ्गिय हचुल्ठिमग्याम् स्होवा मुला । होजा साङ्गिय एकाइजुगु राज्य, थुम् वा प्रान्त द्वाइबा ल्होलोल्होलो मिन्ग्याम डोसेबा मुला । थेनिकादे तिकादामान् मिन्ग्याम् डोसेसाइ नोन् ओदेवान् थेलान् आधार्रि विकेन्द्रिकरन्ला स्तर निर्धारन विसाम् आतावा मुला, चुला निर्धारन हचुल्ठिमरिन् तातोबा मुला ।

साङ्गिय हचुल्सारि सक्ति बो लाबाला लागिर् उपयोगि प्रनालि गोर्रि जेक्खेन् आरे । ल्होलोल्होलो साङ्गिय हचुल्साजुगुरि साज्हा रूप्रि याइबा विसेस्ताजुगु विसाम् ल्हानान् मुला । केन्द्रिकृत साङ्गजुगुरि हचुल्सा या प्रान्तिय सरकारला सक्तिजुगु तुलनात्मक रुप्रि साँघुरो तावा मुला विसाम् विकेन्द्रिकृत साङ्गजुगुरि टाला तहला एकाइजुगुला याइताम् ब्लाक्पा तावा मुला । साङ्गियता एकात्मक हचुल्सा प्रनालिविमा ल्होलो तावा मुला । चु प्रनालिरि उप-रास्ट्रिय संस्थाजुगुसे केन्द्रिय सरकारग्याम् याइताम् याइबा तावासे लामा थेनि केन्द्रला दिरि तावा मुला । ल्हानाद्वाइबा साङ्गजुगुरि साङ्गिय एकाइजुगु पूर्ण स्पसे सार्वभौम् आतावा मुला । साङ्गग्याम् कानूनि रुपसे ल्होलो ताबारि नोन् आखाम्बा मुला ।

सहकार्यला महत्त्व

साङ्गिय संरचना विवा साज्हा सरकार् मुवा प्रनालि हिन्ना । चु प्रनालिला सफलता चुदा व्याख्या लावा नियमजुगुला स्पस्टता थेन् ल्होलोल्होलो साज्हेदार्रजुगुला गुडुरि सहमतिला स्तर्रि निर्भर तावा मुला । दातेला केन्द्रिय थेन् स्थानिय सरकार्रजुगु, हचुल्साला स्यान् निकाय्रजुगु राजनैतिक दलजुगु थेन् सामाजिक/जातिय समुहजुगुला छचाम्रि ल्हानाविमा ल्हाना हचुल्बाला सहमतिरि किन्तोबा मुला ।

हचुल्ठिमसे सरकारला ल्होलोल्होलो तहला गे थेन् याइतामला प्रत्याभूति लावा मुला । हचुल्ठिम् संसोधन आलाना थेनिकादेरि खाचिबाइ परिवर्तन सम्भव आता ।

२ साङ्गियतासम्बन्धि मिन् चलिदा बिबेल्पो जर्ज एन्डरसनला छचोइ 'Federalism: An Introduction' (Oxford University Press, 2008) ला नेपालि डोबा 'साङ्गियता : एक परिचय' संयुक्त राष्ट्रसाङ्गिय विकास कार्यक्रम (यूएनडीपी) ग्याम छिपा मुला । अनुरोध लासाम् थे छचोइ याडवारि खाम्ला ।

सामान्यतया, खाचिवाइ निश्चित् थुमरि हचुलठिमसे याइताम् पिन्वा अवस्थारि हचुलठिमसे टारिमार्ला निकाय्ला फिरि साङ्गिय संस्थाजुगु थेन् साङ्गिय कानुन्ला सर्वोच्चता तामुला विवा ताम् ज्यानालासि ओन्वा मुला । होजा सर्वोच्चतादा साङ्गिय एकाइजुगुला याइताम् थेन् स्रोतजुगुला स्तर्ला प्रत्याभुतिथेन् सन्तुलित लाबा मुला होच्छेम् चुदा हचुलठिम संसोधन लासि जेक्खेन् परिवर्तन लाबारि खाम्बा मुला । तिकाइ हचुलजुगुरि साङ्गिय एकाइजुगुसे ह्वाइलान् हचुलठिम स्होसि तेन्वा मुला ओम् होजा हचुलठिमसे होजा एकाइला संस्थाजुगुला गेताइ स्हेइवादा नियमन लाबाला छ्यामरि साङ्गिय हचुलठिम्याम पिन्वा याइताम्दा पूर्ण स्होबा गे लासिचिवा मुला ।

साङ्गिय तह थेन् दिला तहजुगुला गुडरि याइताम् बो लाबा ताम् पाइनोन् तोमा हचुल्ला विधायिक् थेन् प्रसासनिक् गेताइजुगुथेन् छ्याम् सम्बन्धित ताबा मुला । साङ्गिय एकाइला सरकारजुगुसे साङ्गला लागिरि या होजाव्हाना ग्याम् गेताइ स्हेइवान् साङ्गिय कानुन कार्यान्वयन् लासिचिवा मुला । मोक्कोन् थुम्ला स्थानिय तहरि साङ्गला ह्वाइलान् कार्यान्वयनरि संरचना आतावासे चुराइ लाबा हिन्ना ।

विसेस्लासि हचुल्लाला टाइगा निति, हचुल्लाला सुरछा, परराष्ट्र निति, स्यान हचुल्लाथेन् छोइ, स्यान हचुल्लाथेन् लाबा सन्धिजुगु अनुमोदन् थेन् रास्ट्रिय तहला पुर्वाधार्ला योजना स्हेइवा थेन् विकास्ला ताम्कादे केन्द्रिय सरकारला कानूनि याइताम् न्हाइरि तामुला । आधारभुत सिच्छा थेन् स्वास्थ्य सेवाजुगु, कृषि, वातावरनिय संरक्षण, स्थानिय निर्वाचन, स्थानिय सुरक्षा थेन् कर ह्पुपा सामान्यतया साङ्गिय एकाइला सरकारजुगुला कानूनि याइताम् थेन् प्रसासन न्हाइरि परिदिवा मुला ।

खाइमा गिक् साङ्गिय सरकारसे निश्चित् मापदण्डजुगु स्होबा लामुला । टारि मुवा सरकारजुगुसे सिच्छा, स्वास्थ्य थेन् स्यान्दो तामरि ह्वाइला ठिमजुगु स्होबा ताइरि थे मापदण्डजुगु तेन्तोबा मुला ।

खाइमागिक, कानुन स्हेइवारि लातोबा छार् थुमजुगु म्नाइवा मुला ओम् थेनिला ताम हचुलठिमरि गोना लासि ब्रितोबा मुला । होराइवा तामरि खाचिवा तहला सरकारसे कानुन स्हेइवा हिन्ना विवा ताम् हचुलठिमरिन् थान्तोबा मुला । कानूनि ग्योइरि चुदा अवसिस्ट याइताम् (Residual Power) विवा मुला । तिकाइ हचुल्ला हचुलठिमसे अवसिस्ट याइताम् केन्द्रिय सरकारदा पिन्वा मुला विसाम् स्यान हचुल्ला हचुलठिमसे चुराइवा अवसिष्ट याइताम् स्थानिय एकाइजुगुदा पिन्वा मुला ।

विवाद समाधान


साङ्गयाम् थोन्वा एकाइला याइताम्न्हाइरि कानुन् स्हेइवा गेतावा मुला वा आतावा मुला विवा तामरि बेनान् साङ्गिय ग्याल्लारि विवाद थोन्वा मुला । कादे हचुलकादेरि संवैधानिक अदालत्से चुराइवा विवादकादे समाधान लाबा मुला । स्यान हचुलरि चुराइवा विवाद समाधान लाबा

जिम्मेवारि सर्वोच्च अदालतला गेथुमरि थान्वा मुला । साङ्गिय प्रनालि ज्यानालासि स्हेड्वाला लागिरि मोककोन् सरकारजुगुसे अदालतला निर्नयकादे ड्चान् तोवा मुला ।

साङ्गिय राज्यला राजनैतिक अर्थतन्त्र

हचुलठिमग्यामसे ओन्वा गेकादे ज्यानालासि लावारि केन्द्रिय थेन् स्थानिय तहला एकाइजुगुदा समानुपातिक रूपरि स्रोतसाधनकादे विनियोजन् लातोवा मुला विवा ताम् साङ्गिय हचुलठिमसे डाच्छान् गोवा मुला । साङ्गिय एकाइजुगुला करला स्वायत्तताला नियमन ल्होलोल्होलो डाँचारि लावा तावा मुला । ल्होलोल्होलो साङ्गिय एकाइजुगु गुडुला सामाजिक थेन् आर्थिक विकासला स्तर उल्लेख्य रूपरि ल्होलो तावासे हचुल्सान्हाड्गिरि समतामूलक आर्थिक थेन् सामाजिक विकास सम्भव स्होवारि कादे हचुलजुगुसे वित्तिय साङ्गियता या वित्तिय विकेन्द्रिकरन्ला व्यवस्था लावा मुला ।

ल्होलोल्होलो साङ्गिय डाँचाजुगुरि सरकारला ल्होलोल्होलो तहकादेला गुड्गिरि तावा स्रोत विनियोजन् उल्लेख्य रूपरि ल्होलो तावारि खाम्ला ।



चित्र १ : उपकेन्द्रिय सरकारजुगुला कर स्वायत्तता- गोर सोम् साङ्गिय हचुलजुगुरि कुल कर राजस्वला प्रतिसत्ला रूपरि उपकेन्द्रिय तहरि रेबा कर राजस्वला प्रतिसत (सन् २००२): साङ्गिय तह (ल्हाना म्लाड्गाइ वो) राज्य/सेत्र/प्रान्तिय तह (च्याड्ना छोन्) स्थानिय तह ।

साङ्गिय प्रनालिला स्थापना

खाइमागिक बहुजातिय, बहुभासिक थेन् बहुसांस्कृतिक हचुलसारि ल्होलोल्होलो स्विकार लावाला छचामरि हचुल्साला पहिचान स्हेड्वाला लागिरि साङ्गियतारि वाड्वा लामुला । तिकाइ हचुलसे ह्वाड्वा छेत्रिय पहिचान मुवा हचुल्वाजुगुदा ससक्तिकरन लावारि थेन् विविधता वा समावेसिताला

लागिरि ग्ला स्होबा सन्दर्भरि साङ्गियता गोरगि जेक्खेन् उपाय् विसाम् आहिन् । स्यान् उपायजुगु सैच्छिक निति, आर्थिक विकास, ग्योइला निति, रिमठिम् गेताङ्जुगु, निर्वाचन् प्रनालिरि प्रावधानजुगु, आरच्छन्, सकारात्मक विभेद ह्वाइवा तावारि खाम्ला । साङ्गिय प्रनालिसे जेक्खेन् हचुल्सादा समावेसि स्होला विवा जरुरि आरे ।

नेपालरि हचुलठिमसभाला चुनाव् लावारि थेन् अन्तरिम हचुलठिम्-२०६३ पारित् लावा दोनाला गेताङ्जुगु सरकारदा हचुल्वा डाम् रि दोना लावा सेमग्याम् आंसिक रुप्रि उत्पेरित् लावा मुवा । चुसे लामा चुनाव् डारि, हचुल्वा व्हाना ल्हाना उत्तरदायि तावारि, सिमान्तिकृत समुहजुगुता ससक्तिकरन् लावारि थेन् सार्वजनिक मामिलजुगुरि वृहत्तर विविधता सिर्जना लावारि सरकारि दान्पोजुगुदा ह्यो तावारि खाम्ला ।

नेपाल्ला साङ्गिय संरचनाला लागिरि टाला एकाङ्जुगुला व्याख्या लावा ताङ्गिरि हचुलठिम् बिखेन्पोजुगुसे ल्होलोल्होलो तामरि सेम् पिन्तोला । थेनिसे हचुल्वा, ग्योइ थेन् जातिगत समुहजुगु, जनसाङ्ख्यिक, भौगोलिक थेन् सामाजिक-आर्थिक विसयजुगुला राजनैतिक/ ऐतिहासिक सन्दर्भ थेन् प्राकृतिक स्रोत्दा ज्याना लासि च्यातोला ।

ल्होलोल्होलो साङ्गिय हचुलजुगुरि साङ्गिय एकाङ्जुगुला आकार, जनसङ्ख्या थेन् अनुपात् ल्होलोल्होलोन् तावा मुला । हचुलठिमग्याम् निर्धारित् जिम्मेवारिजुगु कार्यान्वयन लाबाला लागिरि टाला तहला एकाङ्जुगुथेन् तोदे स्रोतसाधन् तातोवा मुला । मोक्कोन् साङ्गिय राज्यजुगुसे कोलेसे-कोलेसे साङ्गिय एकाइला सङ्ख्या थेन् आकार होच्छेम् सरकार्ला ल्होलोल्होलो तहजुगुगुड्ला सम्बन्ध पोबा म्हान्वारि खाम्ला । सेसेगोसि स्हेइवा साङ्गिय प्रनालिसे समग्र प्रनालिन्हाङ्गिरि तिकाइ हददोनाला लचक्ता थेन् व्यवस्थित परिवर्तन्दा स्विक्त् लावा मुला ।

नेपालरि साङ्गियता

काल्बोदाङ्गोहेन्से नेपालरि एकात्मक थेन् केन्द्रिकृत सासन पद्धति मुला । दान्दोना हचुल्ला आधारभुत् संरचनादा म्हान्वा ह्वाइलासि पोबा गेरि प्रजातान्त्रिकरण प्रक्रिया तिला खाम्बा म्हाइवा आरे । साङ्गिय संरचना किन्वासे होजा परम्पराग्याम् सारभुत् रुप्रि फरक ग्यालाम् किन्सेला म्हाइवा मुला ।

केन्द्रिय सरकारसे परम्परागत् रुप्रि मोक्कोन् हचुल्सादान् गोरगि एकाइला रुप्रि सासन लावान् खावा मुवा । हचुल्ला विकास छेत्र, अञ्चल थेन् जिल्लाजुगुरि वो लासाइ नोन् थे मोक्कोन् केन्द्रिय सरकारलान् याङ्ताम् न्हाङ्गिरि तावा मुला । थे एकाङ्जुगुसे स्वतन्त्र या स्वायत्त हैसियत् थान्वारि आखाम्बा मुला । थुम् थेन् अन्वल्स्तर्ला निर्वाचन आतावा मुला। स्थानिय निकायजुगुदा कानूनि हैसियत् याङ्वा निकायला रुप्रि स्हेइवा तासाइ नोन् थेनिकादेथेन् छ्याम् ह्वाइला खाचिवाइ

याइताम् आरे । होजा निकायजुगुदा केन्द्रग्याम् याइताम् पिन्वा मुला । थे याइताम्कादे खाचिबाइ सवैधानिक प्रत्याभूतिला आधाररि थे निकायजुगु निहित् आताबा मुला । केन्द्रिय सरकारसे क्षेत्र, अञ्चल थेन् जिल्लाजुगुला याइताम् काप्पारि, च्याइना लाबारि या तेवारि खाम्ला ।

हचुलठिम्सभासे सम्बोधन लानोन् तोबा तिकाइ तामकादे :

- » साङ्गिय एकाइजुगुला याइताम् थेन् जिम्मेवारिजुगुदा परिभासित् लातोबा मुला;
- » संवैधानिक जिम्मेवारि निर्वाहला लागिरि अरेना आताबा स्रोत्साधन्जुगु बेनान् एकाइथेन् मुबा सुनिश्चित् लातोबा मुला;
- » हचुल्साला मोक्कोन् हचुल्बाला आधारभुत् मिहयाइताम्, स्वतन्त्रता, सुरछाला प्रत्याभूति थेन् साङ्गिच्छेन् लाबारि खाम्बा साङ्गिय संरचना स्हेइतोबा मुला;
- » नेपाल्ला ल्होलोल्होलो सामाजिक्-सांस्कृतिक् पृष्ठभूमिला आधाररि साङ्गिय संरचना स्हेइतोबा मुला;
- » साङ्गिय तह् थेन् मार्ला एकाइ डिर्निन् सिमान्तिकृत समुदाय्ला समावेसिकरन्दा प्रवर्द्धन लाबा साङ्गिय संरचना स्हेइतोबा मुला;
- » आदिवासि जनजाति, मधेसि, दलित् थेन् मिड्महेमेला याइताम्ला प्रत्याभूति तातोला;
- » अल्पसङ्ख्यक आदिवासि जनजाति हचुल्बाजुगु ('अल्पसङ्ख्यक न्हाइला अल्पसङ्ख्यक') ला याइताम्दा साङ्गिच्छेन् लातोबा मुला;
- » साङ्गिय संरचनारि सार्वजनिक वित्त व्यवस्थापन्ला लागिरि ज्याबा नमुनाला ताम्रि निर्णय लातोबा मुला;
- » राष्ट्रियस्तरि साङ्गिय एकाइजुगुला दृष्टिकोन्ला प्रतिनिधित्व लाबारि साङ्गिय विधायिकारि थोला सदन्सिहतला डि सदनात्मक प्रनालि स्हेइवा ताम् गोतोबा मुला;
- » संवैधानिक विवाद निरूपन् लाबारि स्वतन्त्र, सच्छेम् थेन् प्रभावकारि न्यायिक संयन्त्र स्हेइतोबा मुला;
- » सरकारन्हाइला ब्रेल्वा, थेनिकादेला कार्यान्वयन्ला प्रक्रियाजुगु थेन् अन्तर-निकाय आङ्गजुगुरि ह्यो लाबा तारिकाला ताम् गोतोबा मुला ।

आटेवान् आताघा संवैधानिक विकल्पजुगु

साङ्गिय संरचनाला गिकन्हि आधारभुत् विकल्पजुगु चुरि थान्वा मुला । होराइ तासाइ थेनिकादे ना ह्येइना मुला ना गिय्याम् आर्कु थारेइ नोन् मुला । नेपालसे लिच्छारि मोक्कोन् सान्दर्भिक ताम्कादेदा सेम्रि थान्वा गोरिग् मिस्रित् प्रनालि किन्तोबा मुला ।

साङ्ख्यिक प्रनालि दुइथेन् छ्याम् परिपक्व तासि निला । नेपालथेन् साङ्ख्यिक परम्पराला खाचिबाइ अनुभव आरे ओम् चु आभाइ लोकतान्त्रिक सासान् प्रनालिला लागिरे समता विकास लावा ताइरि मुला । चुसे लामा साङ्ख्यिक संरचना अवलम्बन लासिजिन्सिलिच्छा समाधान लातोबा ल्हानान् मुद्दाकादे स्वाभाविक रूपरे खासेला मुला । डाच्छाला ताइरि ल्होलोल्होलो विसयकादे निर्णय प्रक्रिया थेन् कार्यान्वयन प्रक्रियाजुगुरि माइवारि खाम्बा समस्याजुगुला डाच्छान् अनुमान् लातोबा मुला । थेराइलासि, आर्थिक स्रोत् थेन् विकास्ला अवसरजुगुरि असमानता, जातिय् याइताम्ला माग् लासि चिवा समुहजुगुला गुइरि असमभदारि, विभाजन थेन् विखण्डन्ला काइकादे ग्रेन् चुनौति तावारि खाम्ला ।

साङ्ख्यिक प्रनालि सफल तानालासि स्हेइवा आधारजुगु लोकतन्त्र, कानुन्ला सासन् थेन् मिहयाइताम् हिन्ना बिवा ताम् मोक्कोन्दा महत्वपूर्ण मुला ।

क) सक्ति बो लावा ताम्ला मुद्दाजुगु

विकल्पजुगु	ज्यावा पच्छेजुगु/लाभजुगु	चुनौतिजुगु
१) कोइवा केन्द्रिय सरकार	<ul style="list-style-type: none"> » सजिलो निर्णय प्रक्रिया » केन्द्रसे मोक्कोन् निकायजुगुदा च्योच्यो व्यवहार/साइरच्छेन् पिन्वारि खाम्ला, » निकायजुगुदा निरन्तर केन्द्रिय सहयोग, » विकास् गेताइला आवस्यकता अन्सार ज्हान् ल्हाना सक्ति निछेपन्ला सम्भावना, » विखण्डनविरुद्ध साइरच्छेन् । 	<ul style="list-style-type: none"> » केन्द्रिय सरकारग्याम् हस्तछेप्ला सम्भावनासे एकाइकादे लोडवारि खाम्ला, » पहिचान्ला अतृप्त आकाइछाला कारान् हचुल्बाला गुइरि छार तनाव ठुडवारि खाम्ला, » सरकार हचुल्बाग्याम थारेइ नोन् टिवा ताम्से निरन्तरता याइवारि खाम्ला ।
२) कोइवा टाला तहला सरकारजुगु	<ul style="list-style-type: none"> » पहिचान्ला सेम् पूरा ताला, » हाइला मतदाताजुगुरि स्थानिय सरकारजुगुला बढतिवा उत्तरदायित्व, » सरकार हचुल्बाथेनछ्याम् ल्हाना झाम्रि । 	<ul style="list-style-type: none"> » स्थानिय अभिजात्य वर्ग थोन्वासे एकाइजुगुरि मुवा अल्पसङ्ख्यकजुगु जोखिमरि तावारि खाम्ला, » छेत्र/प्रान्तरि कानुन/मापदण्डजुगुला असमान कार्यान्वयन ।
३) सहयोगात्मक साङ्ख्यिकता	<ul style="list-style-type: none"> » केन्द्र थेन् एकाइ सरकारजुगु न्हाइरि दिगो पारस्परिक सहकार्य, » संयुक्त आयोजनाजुगु वा विकास् प्रक्रियादा डाच्छा बोर्वा सम्भावनाजुगु, » केन्द्रला निरन्तर ह्यो । 	<ul style="list-style-type: none"> » केन्द्रिय सरकारला सक्ति काप्सिगेन बोर्वा सेम, » स्थानथोरि निर्भर तावा सम्भावना ।

४) टाला तहला एकाइजुगुदा च्योच्यो याइताम्	» च्योच्यो स्तररि स्वसासन थेन् स्वायत्तताला याइताम्, » ऐतिहासिक वा सामाजिक पृष्ठभूमिला आधाररि खाचिवाइ नोन् एकाइदा लेबाफेवा आलासेवा, » समान्ताला आधार ।	» आर्थिक थेन् सामाजिक स्थिति कमजोर मुवा इकाइ थेन् दुर्गम् थुमजुगुरि आज्हाइ ल्हाना दोइ तावारि खाम्ला
५) ताला तहला एकाइजुगुता ल्होलो ल्होलो याइताम्	» एकाइजुगुदा थेनिकादेला स्थिति, आवस्यक्ता थेन् सहमतिला आधाररि सक्ति निछपकरन वा वो लावा, » योग्यता थेन् समताला कदर ।	» केन्द्रिय सरकार ल्हानान वाईस नीवा सम्भावना, » राजनीतिक सक्ति च्याइना मुवा प्रान्तजुगुसे केन्द्रथेनछयाम् च्योच्यो स्तररि वार्ता लावारि आखाम ।

ख) जाति, भूगोल थेन स्रोतसाधनसम्बन्धी मुद्दाजुगु

विकल्पजुगु	ज्यावा पसजुगु/लाभजुगु	चुनौतिजुगु
१) जाति, ग्योइ, धर्म, रिमठिम् वा पहिचान्नि आधारित् साङ्गियता	» मोककोन् जातजाति, ग्योइ, धर्म थेन् रिमठिम्ला पहिचान्ला सम्मान, » अल्पसङ्ख्यकजुगुदा बहिष्कृत या सिमान्तिकृत आता, » स्थानिय स्रोतसाधनथोरि स्थानिय हचुल्बाला याइताम् ।	» साम्प्रदायिक विरोध तावा सम्भावना » पृथकताला माथेनुछयाम् हचुल थिवारि खाम्बा खतरा, » एकाइन्हाइरि अल्पसङ्ख्यकजुगु न्हाइला सेम् आताइवा सम्भावना ।
२) भौगोलिक निश्चितता, आर्थिक विकासला सम्भाव्यता थेन् प्राकृतिक स्रोत्ला वितरन्नि आधारित	» स्थानिय स्रोत्थोरि स्थानिय हचुल्बाला याइताम् ल्हाना सुनिश्चित तावारि खाम्ला, » आर्थिक विकासला ल्हानान सम्भावना, » दात्तेला संरचनाजुगुला निरन्तरता ।	» एकाइकादेन्हाइरि स्रोतसाधनरि पहँच आतामा असमानता अभ् ल्हाना तासि निवारि खाम्ला, » अल्पसङ्ख्यकजुगु बहिष्कृत या सिमान्तिकृत तावा सम्भावना, » जातिय/भासिक पहिचान्ला मुद्दादा सम्बोधन लावारि आखाम ।
३) विकल्प (१) थेन (२) ला संयोजन	» जातिय थेन् हाइला पहिचान्ना मुद्दा स्होवा हचुल्बाला आकाइसाजुगु थेन् सामाजिक-आर्थिक यथार्थ थेन् सिमाजुगुन्हाइरि सन्तुलन्नि थान्वा ।	» खाचिवाइ नोन् हचुलवादा आफेना या खाचिवाइ अव्यावहारिक हचुल्सा संरचना स्हेइवा आलानान् तोवा सन्तुलन् माइवा ।

छचोइला-शृङ्खलाला ताम्

हचुलठिमसभाला सदस्यजुगु थेन् स्यान् हचुलवाजुगुदा हचुलठिम स्हेइवा प्रकृयारि आसेनान् आतावा ताम् सेना-गोनालाबा चु छचोइ-सिङ्खलाला उद्देश्य हिन्ना । चु प्रकाशनजुगुरि हचुलठिम्ला परिणाम्ला वारेरि अनुमान लावा अवधारनापत्र या प्रस्ताव या होराइवा मानासाय् आरे । चु शृङ्खला संयुक्त राष्ट्रसंघला विकास गेताइ (युएनडिपि) ला 'नेपालरि सहभागितामुलक संविधान स्हेइवाला लागिनि सहयोग' (एसपिसिबिएन) परियोजनाला समन्वय्ने नेपाल् थेन् अन्तर्राष्ट्रिय हचुलठिमखेन्पोजुगुला गोरगिक् प्रयास् हिन्ना ।

चु छचोइकादेदा आभून् ज्यावा स्होवारि राइनिला प्रतिक्रिया थेन् टिप्पनिना लागिनि अनुरोध मुला । ल्हानाविमा ल्हाना सुसुचित, प्रतिबद्ध थेन् रचनात्मक छलफलदा डाच्छा बोर्वारि चु प्रकाशनकादे सफल ताजि विसामजे उद्देश्यजुगु छारवारि खाम्ला । हाइनिसे दोन्वा टिप्पनिजुगुला आधाररि चु छचोइकादेला छारथेन् स्यान् सङ्स्करनजुगु तेवारि खाम्ला ।

चु सिङ्खलादा नेपाल्ला ल्हानान्से पाइवा ग्योइजुगुरि अनुवाद लामा ल्हानाविमा ल्हानान्से गोवारि खाम्गाइविसि खाम्देदोना प्रयास् लावा मुला । त्रिवा छिगुकादे डिक्पा आडिक्पा थेन् थेला प्रयास्ला ताम्नि ल्होलोल्होलो ग्योइ पाइवा थेमेकादेला गुइरि लिच्छा-लिच्छा छलफल थेन् बहस ताला । चु संवैधानिक् सम्वाद केन्द्रला उद्देश्य थे-राइवा बहसकादेदा थे ग्योइजुगुदा नोन् समावेस् लासि चु अभियान्नि समावेसिता थेन् पहुँचला ल्हानाविमा ल्हाना ल्हेना लावा हिन्ना ।

हचुल्सारि हचुल्ठिम् स्होवा गेरि सान्दर्भिक विसयवस्तुला तामरि सम्वैधानिक सम्वाद केन्द्रसे स्होवा शृङ्खलावद्ध पाठ्यसामग्रिला गोरुगि बो चु छचोइ नोन् हिन्ना ।

सभासदजुगुथेन् छचाम् चु विसयवस्तुरि चासो थान्वा हचुलवाजुगुदा ग्रेन् सम्वैधानिक अवधारना थेन् मुद्दाजुगुरि बो किन्पुड्वा चु शृङ्खलावद्ध प्रकाशन्ला उद्देश्य मुला । शृङ्खला न्हाइला बेनान् छचोइ नेपाल्रि पाइवा प्रमुख ग्योइकादे (ज्यार्दि, मैथिलि, भोजपुरि, थारु, मगर, तामाङ, बाइ) थेन् अङ्ग्रेजि ग्योइरि तेःवा मुला । चु पाठ्यसामाग्रीजुगुला श्रव्य संस्करन् (क्यासेट, डिभिडी) रिनोन् याइला । थेराइनोन् लासिन् अनलाइनरि नोन् थान्वा मुला ।

गिकछा ताइरि चु प्रकासन सिङ्खलारि थान्वा विसयवस्तुकादे चुराइवा मुला - हचुलसा थेन् धर्म, सङ्घिय प्रणालि, हचुल्ठिम्रि म्हिलुइला याइताम, आदिवासी जनजातिला याइताम, अल्पसङ्ख्यककादेला याइताम, सरकारला प्रणालिजुगु, स्वतन्त्र न्यायपालिका, स्थानिय स्वसासन, विविधता थेन् सामाजिक समावेसिकरण थेन् सहभागितामूलक हचुल्ठिम् स्हेइवा प्रक्रिया ।

सवैधानिक संवाद केन्द्र

सोम्छा तल्ला, अल्फा बेटा कम्प्लेक्स, छार वानेश्वर, याम्बु
टेलिफोन नं. ९७७-१-४७८५४६६/४७८५४८६/४७८५९९८

ई-मेल : info@ccd.org.np

वेबसाइट : www.ccd.org.np

